

# Universidad di Aruba ta otorga doctorado “Honoris Causa” na sr. Hubert (Shon) Lopez

**ORANJESTAD** - Dia 8 di december 2006, Universidad di Aruba tin e honor y placer di otorga pa prome biaha den su historia un doctorado ‘Honoris Causa’. E acto aki ta sirbi pa duna reconocimiento publico y formal na trabounan huridico excelente y di importancia y relevancia social halto.

E prome persona cu lo ricibi e honor aki ta e sr. Hubert Lopez, mihoconoci como Shon Lopez. Shon Lopez ta ricibi e honor aki a base di su contribucion inmenso y significativo riba tereno di Derecho na Aruba. Pa decenanan, Shon

Lopez a duna un aporte na desaroyo di conocimiento y conscientizacion relaciona cu temanan importante di Derecho: tanto Derecho Penal como tambe Derecho Civil y Derecho Constitucional.

Su contribucion ta encera publicacionnan, articulonan den corant, anotacionnan di casonan hudicial, miembrecia di diferente comisionnan riba tereno di Legislacion y Derecho na Aruba como tambe apoyo y ayudo tecnico na abogado- y huristanan individual.

Su publicacionnan tabata varia y amplio y el a dedica hopi atencion na informa comunidad en general di su derecho- y debeman riba tereno di ley.

Den e estudio di Derecho na Universidad di Aruba tamba ta haci bon uso di e trabounan di Shon Lopez.

Cu e acto di honoris causa aki pa Shon Lopez, Universidad di Aruba kier a demostra publicamente e aprecio pa su trabounan huridico y valora su trabounan pa nos comunidad.